



14. aggusti 2026

UKA2026/252

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

Inuiaqatigiittut ataatsimoorussamik, aaqqissuussaasumik aammalu pinaveersaartitsinermik suliniuteqarnikkut pisortat aammalu innuttaasut nammineq pigisaanni illunni oqummik akiuniarneq, tassani ilaalluni nuna tamakkerlugu akiunianermi najoqqutassaq Nanortalimmi Aasiannilu misiliutitut suliniuteqartoqarnissaa pillugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Hans-Erik Enoksen, Demokraatit)

Oquk nunatsinni sumiiffinni arlalinni arnertuumik ajornartorsiutaavoq. Illup ajunnginnersoq ajornersorluunniit kisiat pineqanngilaq. Peqqinneq, toqqissisimaneq, aningaasaqarneq kiisalu ataqqinassuseq pineqarput.

Innuttaasut isugutalimmi oquttalimmilu najugaqaraangamik, meeqqat silaannaluttuni paaqqinnittarfinniikkaangamik imaluunniit sulisut suliffimminni peqqissusaat sunnernerlunneqaleraangamik inuiaqatigiittut pisussaaffeqarpugut qisuariassalluta. Illumoorsinnaangilarmi nunatsinni inuit angerlarsimaffitsik, atuarfitsik, meeqquveqarfitsik imaluunniit suliffeqarfitsik ilumut peqqissutsikkut illersorneqarsinnaanersut nalornissutigissagaat.

Demokraatini isumaqarpugut ersarinnerusumik assigiaarnerusumillu oqummut akiuniassasugut. Ajornartorsiutit ataasiakkaarlugit aammalu sumiiffimmiit sumiiffimmut assigiinngitsumik ullumikkut akiorniarneqartarput. Tamanna akiuniarnermut pingaarnersiuiinissamut ajornarlisisarpoq aamma iliuseqarniarnermut akitsorsaataasarluni.

Taamaattumik politikkikkut eqqartortariaqarpugut qanoq iliorluta pitsaanagerusumik pinaveersaartitsinnaanerluta, nalunaarsuisinnaanerluta aammalu aaqqissuussaanagerusumik oqummik akiuissanerluta. Imaanngitsoq aallaqqaataaniit annertuumik akisuumillu nuna tamakkerlugu aaqqiissuteqarnikkut, kisianni akiuineq piviusorsiortoq atorlugu, tigussaasunik misilittagaqarfigisassarput piffissallu ingerlanerani inersarsinnaasatsinnik.

Nanortalimmi Aasiannilu suliniutit aallarniutaasinnaapput. Illoqarfiit taakku ataatsimoorussamik suliniutit qanoq ingerlasinnaaneriniq aallartiffittut misilittaavigineqarsinnaapput. Ilaatigut uku imarisinnaallugit; illut aalajangersimasut annertuumik nalunaarsuiffigineqarneri, ataatsimoorussassamik nalunaarsueriaatsit, suliniutinik pingaarnersiuiinerit, innuttaasunut illunillu piginnittunut siunnersuinerit, aningaasiliinissanut periarfissanik nalilersuinerit kiisalu nutarterinissanut aammalu nutaanik sanaartornissamut teknikkigitut siunnersuuteqarnerit.

Siunertaassaaq akiuniarnermut iliusissaq nanineqarnissaa, suliamut tunngasumut illersorneqarsinnaasoq, aningaasatigut piviusorsiortoq aammalu nunat sinnerani atorineqarsinnaasoq. Oquk pilertarpoq pissutsit arlariit ataatsikkut pigaangata. Illup pisoqaassusaa, silaannarissartannginneq, isugutak, naamanngitsumik



DEMOKRAATIT

kiassarneq, aserfallatsaaliisimanninneq imaluunniit ilisimasakissuseq peqqutaallutik. Taamaattumik akiuiniarnermut aqqiissuteqarniarnermi tamakkiisumik eqqarsarnissaq pisariaqarpoq, pinaveersaartitsineq, teknikkikkut pitsaassutsimik annikinnerpaaffiliineq, siunnersuineq aammalu akissussaassuseqarneq ataatsimut eqqarsaatigineqarlutik.

Innuttaasut peqqinnartunik sinaakkuteqarnissaannut ileqqorissaaneq aallaavigalugu politikkikkut pisussaataavugut. Meeqqat illup iluani silaannaq ernummatiginagu meeqqerivimmiissinnaasariaqarput atuarfimiissinnaasariaqarlutillu. Ilaqutariit toqqissisimanartumik angerlarsimaffeqartariaqarput. Sulisut peqqissusertik isumakaluffiginagu eqqissillutik sulisinnaasariaqarput.

Aamma aningaasaqarnermut tunngassuteqarpoq. Oquk siusissukkut nassaarineqanngippat suliarineqaranilu taava ajornartorsiutaanera annertunerujussuanngorlunilu akisunerulersinnaavoq. Aqqissuussaanagerusumik akiuiniarneq taamaammat inunnut pitsaasuullunilu aningaasaqarnikkut akisussaassuseqarneruvoq.

Tamakku pillugu apeqqutit uku Inatsisartuni eqqartorneqarnissaat kissaatigaakka:

Qanoq iliorluta pisortat aammalu inuit nammineq pigisaanni illuni qanoq oqoqartiginera pillugu pitsaanagerusumik ilisimasaqalersinnaavugut?

Nalunaarsuinernut, nalilersuinernut aammalu oquk pillugit sulianik pingaarnersiuinernut maleruagassanik assigiiaangerusunik ineriartitsisariaqarput?

Nanortalimmi Aasiannilu aallarniutitut suliniuteqarluni misilittaanissaq piviusorsiorpa, nuna tamakkerlugu akiuiniarnissamut iliusissamik pilersitsisoqarnissaanik aalajangiisoqannginnerani?

Qanoq iliorluta pinaveersaartitsinerit pitsanngorsaavigisinnaavagut, siunnersuinerit, aserfallatsaaliinerit, silaannarissarnerit, teknikkikkut periutsit nalinnginnaasut aammalu innuttaasunut illuutilinnut pitsaanagerusumik siunnersuinerit aqqutigalugit?

Pisortat, kommunit inuit illuutillit akornanni akisussaaffiit aammalu piviusorsioortumik aningaasartuuteqarnissaq naapertuuttumik oqimaaqatigiinnissaat qanoq qulakkeersinnaavarput?

Sammissaq una toqqammavigerpiarpaa annertunerusumik akisussaaffimmik tigusinissaq, ajornartorsiutit annertunerulinnginneranni. Siusinnerusukkut aqqissuussaanagerusumik iliuseqarutta, illup pitsaanagerusut, innuttaasut toqqissisimanerusut aammalu innuttaasut aningaasaataannik akisussaassuseqarnerusumik aqutsineq anguneqassapput.

Partiit allat Naalakkersuisullu sammisap pingaartup pillugu isumaat tusarnissaat qilanaaraara, neriutigaaralu oqallilluarumaarluta qanoq ataatsimoorluta piviusorsioortumik aammalu pitsaanagerusumik nunarput tamakkerlugu oqummik akiuisinnaanerluta.